



隋書卷十一

隋書十一

監修國史趙國公長孫無忌等撰

志第六

禮儀六

梁制乘輿與郊天祀地禮明堂祠宗廟元會臨軒則黑介幘通天冠平冕俗所謂平天冠者也其制玄表朱綠裏廣七寸長尺二寸加於通天冠上前垂四寸後垂三寸前圓而後方垂白玉珠十有二旒其長齊肩以組為纓各如其綬色傍垂黹纁琉璃以玉瑱其衣

阜上絳下前三幅後四幅衣畫而裳繡衣則日月星辰山龍華蟲火宗彝畫以為繡裳則藻粉米黼散以為繡凡十二章素帶廣四寸朱裏以朱繡褌飾其側中衣以絳緣領袖赤皮為鞞蓋古之鞞也絳袴袜赤烏佩白玉垂朱黃大綬黃赤縹紺四采革帶帶劍纁帶以組為之如綬色黃金辟邪首為帶鑰而飾以白玉珠又有通天冠高九寸前加金博山述黑介幘絳紗袍阜緣中衣畫黑烏是為朝服元正賀畢還儲更衣出所服也其釋奠先聖則阜紗袍絳緣中衣絳袴

袜黑烏臨軒亦服衮冕未加元服則空頂介幘拜陵則笄布單衣介幘又有五梁進賢冠遠遊平上幘武冠單衣黑介幘宴會則服之

單衣白帻以代古之疑衰皮弁為弔服為羣臣舉哀臨喪則服之

天監二年何佟之議公卿以下祭服裏有中衣即今之中單也案後漢輿服志明帝永平二年初詔有司採周官禮記尚書乘輿服從歐陽說公卿以下服從大小夏侯說祭服絳緣領袖為中衣絳袴袜示其赤

心奉神今中衣絳緣足有所明無俟於袴既非聖法
謂不可施遂依議除之

四年有司言平天冠等一百五條自齊以來隨故而
毀未詳所送何佟之議禮祭服變則焚之於是並燒
除之其珠玉以付中署

七年周捨議詔旨以王者衮服宜畫鳳皇以示差降
按禮有虞氏昏而祭深衣而養老鄭玄所言皇則是
畫鳳皇羽也又按禮所稱雜服皆以衣定名猶如衮
冕則是衮衣而冕明有虞言皇者言衣名非冕明矣

畫鳳之可事實灼然制可又王僧崇云今祭服三公
衣身畫獸其響及袖又有青獸形與獸同義應是雌
即宗彝也兩袖各有禽鳥形類鸞鳳似是華蟲今畫
宗彝即是周禮但鄭玄云雌螭屬鳥昂鼻長尾是獸之
輕小者謂宜不得同獸尋冕服無鳳應改為雉又裳
有圓花於禮無礙疑是畫飾加葩籜耳藻米黼黻並
乖古制今請改正并去圓花帝曰古文日月星辰此
以一辰攝三物也山龍華蟲又以一山攝三物也藻
火粉米又以一藻攝三物也是為九章今衮服畫龍

則宜應畫鳳明矣孔安國云華者花也則為花非疑
若一向畫雉差降之文復將安寄鄭義是所未允又帝
曰禮王者祀昊天上帝則大裘而冕祀五帝亦如之
又云莞席之安而蒲越橐結之用斯皆至敬無文貴
誠重質今郊用陶匏與古不異而大裘蒲結獨不復
存其於質敬恐有未盡且一獻為質其劍佩之飾及
公卿所著冕服可共詳定五經博士陸璣等並云祭
天猶存掃地之質而服章獨取黼黻為文於義不可
今南郊神座皆同衽席此獨莞類未盡質素之理宜

以橐結為下藉蒲越為上席又司服云王祀昊天服
大裘明諸臣禮不得同自魏以來皆用衮服今請依
古更制大裘制可璉等又尋大裘之制唯鄭玄注司
服云大裘羔裘也既無所出未可為據案六冕之服
皆玄上纁下今宜以玄纁為之其制式如裘其裳以
纁皆無文繡冕則無旒詔可又乘輿宴會服單衣黑
介幘舊三日九日小會初出乘今輅服之

八年帝改去還皆乘輦服白紗帽

九年司馬筠等參議禮記玉藻云諸侯玄冕以祭禘

冕以朝雜記又云大士冕而祭於公弁而祭於已今
之尚書上異公侯下非卿士止有朝衣本無冕服但
既預齋祭不容同於在朝宜依太常及博士諸齋官
例著阜衣絳襪中單竹葉冠若不親奉則不須入廟
帝從之

十一年尚書參議按禮既執事由燕坐履不宜陳尊
者之側今則極敬之所莫不肯跣清廟崇嚴既絕恒
禮凡有履行者應皆跣禮記可

陳永定元年武帝即位徐陵曰所定乘輿御服皆採

禮儀志

梁之舊制又以為是流後漢用白玉珠晉過江服章
多闕遂用珊瑚雜珠飾以翡翠侍中顧和奏令不能
備玉珠可用白玳從之蕭驕子云白玳蚌珠是也帝
曰形制依此今天下初定務從節儉應用繡織成者
並可彩畫金色且塗珠玉之飾任用蚌也至天嘉初
悉改易之定今日後天監舊事然亦往往改革今不
同者皆隨事於注言之不言者蓋無所改制云
皇太子金璽龜鈕朱綬三百二首朝服遠遊冠金博山
佩瑜玉翠綬垂組朱衣絳紗袍阜緣白紗中衣白曲

領帶鹿盧劍火珠首素革帶玉鈎變獸頭盤革囊其
 大小會祠廟朝望五日還朝皆朝服常還上官則朱服
 若釋奠則遠遊冠玄朝服絳緣中單絳袴袿玄烏講
 則著介憤又有三梁進賢冠其侍祀則平冕九旒袞
 衣九章白紗絳緣中單絳繒鞞赤烏絳鞞若加元服
 則中舍執冕從白三太子舊自有五時朝服自天監之後
 則朱服在上省則烏帽永福省則白帽云

諸王金璽也通稱朱纓一節六朝服遠遊冠介憤朱
 衣絳紗也白紗中衣也帶黑烏佩山玄玉垂組大

有帶頭盤腰劍若加餘官則服其加官之服

開國公金章龜鈕玄朱纓二百四十首朝服紗朱衣進賢

三梁冠佩山玄玉獸頭盤腰劍

開國侯伯金章龜鈕青朱纓一百二十首朝服紗朱衣進

賢三梁冠佩水蒼玉獸頭盤腰劍

開國子男金章龜鈕青朱纓二百首朝服紗朱衣進賢

三梁冠佩水蒼玉獸頭盤腰劍

縣鄉亭閔內閔中及名號侯金印龜鈕紫纓朝服進

賢二梁冠獸頭盤腰劍閔內閔中及名號侯則理劍

開外侯銀印珪鈕青綬朝服進賢二梁冠獸頭盤腰
劍

諸王嗣子金印珪鈕青綬首八十朝服進賢二梁冠佩
山玄玉獸頭盤腰劍

開國公侯嗣子銀印珪鈕青綬首八十朝服進賢二梁
冠佩水蒼玉獸頭盤腰劍

太宰太傅太保司徒司空金章龜鈕紫綬首八十朝服進
賢三梁冠佩山玄玉獸頭盤腰劍陳令如有相國丞相服制同

大司馬大將軍大尉諸位從公者金章龜鈕紫綬首八十

朝服武冠佩山玄玉獸頭盤腰劍將軍則不帶

劍

凡公及位從公信以將軍及以左右光祿開府儀同

章同之五等諸侯助祭郊廟皆平冕九旒青玉為珠有

前無後各以其綬色為組纓垂垂纁纁衣玄上纁下

畫山龍已下九章備五采大佩赤鳥胸履錄尚書無

章綬品秩悉以餘官摠司其衣服則餘官之服猶執

笏紫荷其在都坐則東面最上

尚書令僕射尚書銅印墨綬朝服納言讀進賢冠佩水

蒼玉尚書則要青劍紫荷執笏陳尚書令儀制金車通劍

書无印綬及

侍中散騎常侍通直常侍負以常侍朝服武冠貂蟬

侍中左排皆青劍佩水蒼玉其首以外常侍不給佩舊至尊朝會

登殿侍中常侍夾御御下與則扶左右侍中驂乘則

不帶劍

中書監令秘書監銅印黑綬朝服進賢 兩梁冠佩水

蒼玉要青劍獸頭鞶陳制銀章通白青綬

左右光祿大夫比與加金紫綬同其但加金紫者

謂之金紫光祿但加銀青者謂之光祿大夫陳令有特進進賢二

梁冠朝服佩水蒼玉要青劍梁令不載

光祿太中中散大夫太常光祿弘訓太僕太僕廷尉

宗正大鴻臚大司農少府大匠諸卿丹楊尹太子保傅

大長秋太子詹事銀章龜鈕青綬獸頭鞶朝服進賢冠

二梁佩水蒼玉卿大夫助祭則冠平冕五旒黑玉為珠

有前無後各以其綬采為組纓旁垂蕤纒衣玄上纁下

畫華蟲七章皆佩五采六佩赤烏約履陳宮卿改云

梁又有大舟卿服章同

驃騎車騎衛將軍中軍冠軍輔國將軍四方中郎將

金章紫綬中郎將朝服武冠佩水蒼玉陳令鎮衛驃騎車騎中軍

中衛中撫軍中權四征四鎮四安四翊四平將軍金章獸鈕其冠軍四方中郎將金章豹

首獸頭無朝服武冠佩水蒼玉自中軍已下諸將軍及冠軍四方中郎將並官不給佩

○領護軍中領護軍五營校尉銀印青綬朝服武冠

佩水蒼玉獸頭鞞其屯騎越騎夾御日假給佩餘校

不給陳令領護金章龜鈕紫綬八十首中領護銀章龜鈕青綬八十首其五營校尉銀印珪鈕青綬八十

首官不給佩餘並同梁

弘訓衛尉衛尉陳宮司隸校尉陳允左

右衛驍騎游擊前左右後軍將軍龍驤宣朔建威振威

奮威揚威廣威武威建武振武奮武揚武廣武等將軍

積弩積射強弩將軍監軍銀章青綬朝服武冠佩水蒼

玉獸頭鞞驍游已下並不給佩驍游夾侍日假給陳令

衛銀章龜鈕不給劔左右驍騎游擊雲騎游騎前左右後軍將軍左右中郎將銀印珪鈕餘服飾同梁亦官不

給佩其驍游雲騎夾侍日假給其積弩積射強弩銅印環鈕黑綬帶劔餘服同梁又有忠武軍師武臣瓜牙龍

騎雲麾鎮兵翊帥宣惠宣毅智威仁威勇威信威嚴威智武仁武勇武信武嚴武金章豹鈕紫綬八十首官不

給輕車鎮朔武旅貞毅朔威寧遠安遠征遠振遠宣遠等將軍金章龜鈕紫綬並獸頭鞞朝服武冠佩水蒼玉

國子祭酒卑朝服進賢二梁冠佩水蒼玉

御史中丞都水使者銀印墨綬朝服進賢一梁冠獸

頭鞞鞞鞞劔佩水蒼玉陳中丞銀章龜鈕青綬八十首二梁冠餘同梁其都水陳梁四

為大舟御服在彭湖中見

謁者僕射銅印環鈕墨綬八十首朝服高山冠獸頭鞞

佩水蒼玉鞞鞞

諸軍司銀章龜鈕青綬朝服武冠獸頭鞞

給事中黃門侍郎散騎通直員外散騎侍郎奉朝請

太子中庶子庶子武衛將軍武騎常侍朝服武冠鞞

劔陳令庶子已上鞞鞞其武衛不劔正直夾御白布袴褶

儀志

中書侍郎朝服進賢一梁冠鞞劔冗從僕射太子衛

率銅印墨綬獸頭鞞朝服武冠陳衛率銀章龜鈕青綬不劔冗從銅印環

鈕墨綬亦有劔餘並同矣

武賁中郎將羽林監銅印環鈕墨綬朝服武冠獸頭

鞞鞞鞞鞞其在陞牙及備鹵簿著毳尾絳紗縠單衣

護匈奴中郎將護羌戎夷蠻越烏丸西域校尉銀印

珪鈕青綬朝服武冠獸頭鞞陳令無此官其庶子鎮

平遠中郎鞞鞞鞞鞞同

安夷撫夷護軍州郡國都尉奉車尉馬騎都尉諸護

軍銀印珪鈕青綬獸頭盤鞞朝服武冠陳安遠鎮蠻護軍州郡國都尉

丞軍騎馬騎都尉諸護軍服軍同無餘文

州刺史銅印墨綬獸頭盤鞞青劍絳朝服進賢一梁冠

陳銅章龜鈕青綬餘同梁

郡國太守相內史銀章龜鈕青綬獸頭盤鞞單衣介幘

加中二千石依卿尹冠服劍佩

尚書左右丞祕書丞銅印環鈕黃綬獸頭盤鞞朝服進

賢一梁冠

尚書祕書著作郎太子中舍人洗馬舍人朝服進賢

儀志

一梁冠腰劍

諸王支文學朱服進賢一梁冠陳令諸王

治書侍御史侍御史朝服腰劍法冠治書侍御史則有銅印環鈕墨綬陳又有

殿中蘭臺侍御史朝服法冠腰劍簪筆

諸博士給皂朝服進賢兩梁冠佩水蒼玉

大學博士正限八人著佩限外六人不給

廷尉律博士無佩並簪筆

國子助教皂朝服進賢一梁冠簪筆

公府長史獸頭盤鞞諸卿尹丞黃綬獸頭盤鞞簪筆

諸縣署令秩千石者獸爪鞶銅印環鈕墨綬朝服進賢兩梁冠長史朱服諸卿尹丞建康令玄服

公府掾屬主簿祭酒朱服進賢一梁冠公府令史亦同

領護軍長史朱服獸頭鞶諸軍長史單衣介幘獸頭鞶

諸卿部丞獄丞並皂朝服一梁冠黃綬獸爪鞶簪筆
太子保傅詹事丞皂朝服一梁冠簪筆獸爪鞶黃綬
郡國相內史丞長史單衣介幘長史獸頭鞶其丞黃

綬獸爪鞶

諸縣署令長相單衣介幘獸頭鞶銅印環鈕墨綬朝服進賢一梁冠諸署令朱衣武冠州都大中正郡中正單衣介幘

太子門大夫獸頭鞶陵令長獸爪鞶銅印環鈕墨綬朝服進賢一梁冠令長朱服率更家令僕朝服兩梁冠獸頭鞶腰劍

黃門諸署令僕長丞朱服進賢一梁冠銅印環鈕墨綬丞黃綬黃門冗從僕射監太子寺人監銅印環鈕

墨綬朝服武冠獸頭般

公府司馬領護軍司馬諸軍司馬護匈奴中郎將護

羗戎夷蠻越烏丸戊己校尉長史司馬銅印環鈕墨

綬獸頭般朝服武冠諸軍司馬單衣平巾幘長史介

幘陳今公府司馬領護軍司馬諸軍司馬鎮安蠻安

遠護軍蠻戎越校尉中郎將長史司馬其服章與

同梁官公府從事中郎朱服進賢一梁冠諸將軍開府功曹

主簿單衣介幘章帶廷尉建康正監平銅印環鈕墨

綬早零辟朝服法冠獸爪般

左右衛司馬銅印環鈕墨綬單衣帶平巾幘獸頭般

諸府參軍單衣平巾幘

諸州別駕治中從事主簿西曹從事玄朝服進賢一

梁冠簪筆常公事單衣介幘朱衣

直閣將軍朱服武冠銅印珪鈕青綬獸頭般

直閣將軍諸殿主帥朱服武冠正直絳衫從則兩襠

衫

諸開國郎中令大農公傳中尉銅印環鈕青綬朝服

進賢兩梁冠中尉武冠皆獸頭般

諸開國三將軍銅印環鈕青綬朝服武冠限外者不給印

陳制墨綬餘並同梁

開國掌書中尉司馬陵廟食官廐牧長典醫典府丞銅印掌侍侍郎世子庶子謁者中大夫舍人不給印典書典祠學官令典膳丞長銅印限外者不給印

左右常侍侍郎典衛中尉司馬朝服武冠典書典祠學官令朝服進賢一梁冠餘悉朱服一梁冠

常侍侍郎典書

典祠學官令以簪筆翬劔

太子衛率率更家令丞銅印環鈕黃綬阜朝服進賢

禮儀志

一梁冠獸爪鞞

太子常從武賁督銅印環鈕墨綬朝服武冠獸爪鞞殿中將軍負外將軍朱服武冠

州郡國都尉司馬銅印環鈕墨綬朱服武冠獸頭鞞諸謁者朝服高山冠

中書通事舍人門下令史主書典書令史門下朝廷局書令史太子門下通事守舍人主書典守舍人二

宮齋內職左右職局齋幹已上朱服武冠殿中內外局監太子內外監殿中守舍人銅印環鈕朱服武冠

內外監典事書吏朱服進賢一梁冠內監朝廷人領
局典事外監統軍隊諮詳發遣局典事武冠外監及
典事書吏悉著朱衣唯正直及齋監并受使不在例
其東宮內外監殿典事書吏依臺格五校二將將軍
主事內監主事外監主事三校主事朱服武冠
尚書都令史都水參事門下書令史集書中書尚書
祕書著作掌書主書主圖主譜典客令史監令僕射
省事蘭臺殿中蘭臺謁都水令史公府令史書令史
太子道守客次客守舍人及諸省典事朱衣進賢一梁

冠

尚書都筆度支筆左戶校吏朱服進賢一梁冠

諸縣署丞太子諸署丞王公侯諸署及公主家人丞僕
銅印環鈕黃綬朱服進賢一梁冠太官太醫丞武冠
諸縣尉銅印環鈕單衣介幘黃綬獸爪盤華節騎郎諸
服武冠其在階列及備鹵簿者髡尾絳紗敷單衣御
節郎黃鉞郎朝服赤介幘簪筆典儀唱警唱奏事持
兵主麾等諸職公事及備鹵簿朱服武冠殿中中郎
將校尉都尉銀印珪鈕青綬朱服武冠獸頭盤華

城門侯銅印環鈕墨綬朱服武冠獸頭槃

部曲督司馬吏部曲將銅印環鈕朱服武冠司馬吏
假墨綬獸爪槃

太中中散諫議大夫議郎中郎中舍人朱服進賢
一梁冠

諸門郎僕射佐吏東宮門吏其郎朱服僕射阜零辟
朝服進賢冠吏却非冠佐吏著進賢冠

總章協律銅印環鈕艾綬獸爪槃朱服武冠

黃門後閣舍人主書齋帥監食主食主客扶持鼓吹

朱服武冠鼓吹進賢冠齋帥墨綬獸頭槃

殿中司馬銅印環鈕墨綬朱服武冠獸頭槃

總章監鼓吹監銅印環鈕艾綬朱服武冠

諸四品將兵都尉牙門將崇毅村官折難輕騎揚烈

威遠寧遠宣威光威驍威烈威虜平戎綬遠綬狄

綬邊綬戎獸威武烈武毅武奮武討冠討虜殄難

討難討夷厲武橫野陵江鷹揚執訊蕩寇蕩虜蕩難

蕩逆殄虜掃虜掃難掃逆掃寇厲鋒武奮武牙廣野

領兵滿五十人給銀章不滿五十除板而已不給章

朱服武冠以此官為刺史大守皆青綬此條以下皆陳制與漢不同

典儀但帥典儀正帥朱衣武冠其本資有殿但正帥

得帶艾綬獸頭盤華殿但帥正帥艾綬獸頭盤華朱服武

冠殿帥羽儀帥員外帥朱衣武冠

威雄猛烈振信勝略風力光等十威將軍武猛略勝

力毅健烈威銳勇等十武將軍並銀章熊鈕青綬獸

頭盤華武冠朝服

猛毅烈威銳震進智威勝駿等十猛將軍銀章熊鈕

青綬獸頭盤華武冠朝服

壯武勇烈猛銳威毅志意力等十壯將軍驍雄桀猛

烈武勇銳名勝迅等十驍將軍雄猛威明烈信武勇毅

壯健等十壯將軍並銀章羔鈕青綬獸頭盤華武冠朝服

忠勇烈猛銳壯毅捍信義勝等十忠將軍明智略遠勇

烈威勝進銳毅等十明將軍光烈明英遠勝銳命勇武

野等十壯將軍鷹勇猛烈銳奇決起略勝出等十鷹

將軍並銀章鹿鈕青綬獸頭盤華武冠朝服

龍驤武視雲旗風烈電威雷音馳銳進銳羽騎突騎折

衝冠武和死之壘起猛英果掃虜掃狄武銳推鋒開遠

略遠貞威決勝清野堅銳輕拔山雲勇振旅等三十號
將軍銀印莢鈕青綬獸頭盤鞞朝服武冠

超武鐵騎樓船宣猛樹功剋狄平虜獲威戎昭威戎伏
波旌戟長劔衝冠雕騎仗飛勇騎破敵剋敵威虜前
鋒武毅開邊招遠全威破陣蕩寇殄虜橫野馳射等
三十號將軍銅印環鈕黑綬獸頭盤鞞朝服武冠并左
十二件將軍除並假給印綬外則止朱服武冠而
已其亦給章印

建威牙門期門已下諸將軍並銅印環鈕黑綬獸頭

義志

鞞朱服武冠板則無印綬止冠服而已其在將官以
功次轉進應署建威已下諸號不限板除悉給印綬

若武官署位轉進登上條九品靴計
已上諸戎號亦不限板除悉給印綬

千人督校督司馬武賁督牙門將騎督督守將兵都
尉太子常從督別部司馬假司馬假銅印環鈕朱服
武冠黑綬獸頭鞞

武猛中郎將校尉都尉銅印環鈕朱服武冠其以此
官為千人司馬道賁督已上及司馬皆假黑綬獸頭

鞞已上陳制梁所
無及不同者

陞長甲僕射主事吏將騎廷上五牛旗假吏武賁在
陞列及備鹵簿服錦文衣武冠髡尾陞長者假銅印
環鈕墨綬獸頭鞞

假旄頭羽林在陞列及備鹵簿服絳單衣上著韋畫
腰襦假旄頭輿輦迹禽前驅由基強弩司馬給絳科
單衣武冠其本位佩武猛都尉已上印者假墨綬別
部司馬已下假墨綬並獸頭鞞

殿中冗從武賁殿中武賁持鉞戟冗從武賁假青綬
絳科單衣武冠陳令絳科單衣其本位職佩武
猛都尉等印假鞞綬依前條

禮志

持椎斧武騎武賁五騎傳詔武賁中羽林太官嘗
食武賁稱飯宰人諸官嘗食武賁假墨綬給絳禱武

冠其佩武猛都尉等位印
皆依上條假般半綬之例

其在陞列及備鹵簿五騎武賁服錦文衣髡尾宰人
服離支衣領軍捉刃人烏總帽袴褶皮帶

絳是羽葆聃鼓吹采改著進賢冠外給系聃鼓吹著
武冠

諸官鼓吹尚書廊下都坐門下使守藏守閣殿中威
儀驕武賁常直殿門雲龍門者門下左右部武賁羽

林駟給傳事者諸導駟門下中書守閣尚書門下武
賁羽林駟蘭臺主曹節藏僕射廊下守閣威儀發符
駟都水使者廊下守給駟謁者威儀駟諸官屬者駟
絳褱武冠衣服如舊大誰天門士阜科單衣樊噲冠
衛士涅布褱却敵冠

諸將軍使持節都督執節節史朱衣進賢一梁冠自此條制

已下皆陳
梁所無

持節節史單衣介幘其鈔祭戎戒嚴同使持節制假

節節史單衣介幘凡節秩以石為之持節皆刻為刻為

凡儀志

諸王國舍人司理謁者閣下中史中衛都尉朱衣進

諸王書佐單衣介幘

公府書佐朱衣進賢冠

諸王國舍人司理謁者閣下中史中衛都尉朱衣進

賢一梁冠司理假銅印謁者高山冠中史已下武冠

太子太傅五官功曹主簿進賢一梁冠

太子二傅門下主記錄事功曹書佐門下書佐記室

帳下督都督省事法曹書佐太傅外都督阜衣進賢

一梁冠

太子妃家令絳朝服進賢一梁冠

太子三校二將積弩殿中將軍衣服皆與上宮官同

太子正員司馬督題閣監銅印墨綬三校內主事主

章扶持守舍人衣帶仗局服飾衣局珍寶朝廷主衣

統奏事幹內局內幹朱衣武冠

諸公府御屬及省事錄尚書省事太子門下及內外

監丞典事導客卒書史次功典書函典書典經五經

典書諸守宮舍人市買清瀆食官督內直兵吏宣華

崇賢一門舍人諸門吏朱衣進賢一梁冠

太子妃傳令朱衣武冠執刀為信備

太子二傳騎吏衣朱衣武冠常行則袴褶執儀齋

帥殿帥典儀帥傳令執刀戟主蓋扇麾繖上持兵

車郎扶車注疏萌床齋閣食司馬唱導飯主殿前

帥殿前威儀武賁威儀散給使閣將鼓吹士帥副武

冠絳襦案輓小輿行車輅車給使平巾幘黃布袴褶

赤罽帶

太子諸門將涅布縹樊噲冠

太子鹵簿戟吏赤幘武冠絳襦廉帥輅五陣禁防平巾

幘白布袴褶鞞角五音帥長麾青布袴褶鞞帽絳紵帶都伯平巾幘黃布袴褶

文官曹幹白紗單衣介幘尚書二臺曹幹亦同

武官問訊將士給使平巾幘白布袴褶

通天冠高九寸正豎頂少斜却乃直下鐵為卷梁前有展筩冠前加金博山述乘輿所常服

遠遊冠制似通天而前無山述有展筩橫于冠前皇太子及王者後諸王服之諸王加官者自服其官之冠服唯太子及王者後常冠焉太子則以翠羽為綬

綴以白珠其餘但青絲而已

進賢冠古緇布冠遺象也斯蓋文儒者之服前高七寸後高三寸長八寸有五梁三梁二梁一梁之別五梁唯天子所服其三梁已下為臣高卑之別云

武冠一名武弁一名大冠一名繁冠一名建冠今人名曰籠冠即古惠文冠也天子元服亦先加大冠今左右侍臣及諸將軍武官通服之侍中常侍則加金璫附蟬焉挿以貂尾黃金為飾云

高山冠一名側注高九寸鐵為卷梁制似通天頂直

豎不斜無山述展葉高山者取其矜莊賓遠中外謁者僕射服之

法冠一名柱後或謂之獬豸冠高五寸以緹為展管鎧為相卷取其不曲撓也侍御史廷尉正監平凡執法官皆服之

鶡冠猶大冠也加雙鶡尾豎插兩邊故以名焉武賁中郎將羽林監節騎郎在陛列及鹵簿者服之

長官一名齋冠高七寸廣三寸漆纒為之制如版以竹為裏漢高祖微時以竹皮為此冠所謂劉氏冠後除

竹用漆纒者司馬彪曰長冠楚制也人間或謂之鶡

尾冠非也後代以為祭服尊敬之也至天監三年祠

部郎沈宏議案竹葉冠是高祖為亭長時所服安可

繇代為祭服哉禮士弁祭於公請令太常與博士奉

齋之服宜改用爵弁明山賓同宏議司馬彪云若必

遵三王則懼所與非一長冠謂宜仍舊案今之宗祧

博士之服未有可非帝竟不改

建華冠以鐵為柱卷貫六銅珠九枚祀天地五郊明

堂舞人服之

樊噲冠廣九寸高七寸前後出各四寸制似平冕凡
殿門司馬衛士服之

却敵冠高四寸通長四寸後高二寸制似進賢冠凡
宮殿明衛士服之

却非冠高五寸制似長冠宮殿門吏僕射冠之

幘尊卑貴賤皆服之文者長耳謂之介幘武者短耳
謂之平上幘各稱其冠而制之尚書人僕射尚書幘
收方三寸名曰納言未冠童子幘無屋施假髻者示
未成人也

帽傅子云先未有歧荀文若巾鴈樹於此時人慕之
因而弗改今通為慶弔之服白紗為之或單或袂初
婚冠送餞亦服之

巾國子生服白紗為之晉太元中國子生見祭酒博
士單衣角巾執經一卷以代手版宋末闕其制齊立
學太尉王儉更造今形如之帽自天子下及士人通
冠之以白紗者名高頂帽皇太子在上省則烏紗在
承福省則白紗又有繒卓雜紗為之高屋下裙蓋無
定准

袷褶近代服以從戎今纂嚴則文武百官咸服之車
駕親戎則縛袴不舒散也中官紫褶外官絳褶要青皮
帶以代鞶革

笏中世以來唯八座尚書執笏笏者白筆綴其頭以
紫囊裹之其餘公卿但執手版荷紫者以紫生為袂
囊綴之服外加於左肩周遷之昔周公負成王制此
衣至今以為朝服蕭驕子云名契囊案趙充國傳云
張子孺持囊簪筆事孝武帝張晏云囊契囊也近臣
負囊簪筆從備顧問有所記也

入殿門有籠冠者著之有纓則下之緣廂行得提衣
省閣內得著履烏紗帽入齋閣及橫度殿庭不得入
提衣及提服飾入閣則執手板自摳衣几席不得入
齋正閣介幘不得上正殿及東西堂儀仗繳扇有幘
牽車不得入臺門臺官問訖皇太子亦皆朱服著襪
謁諸王單衣幘庶姓單衣帽詣三公必衣帽至黃閣
下履過閣還著履

古者君臣佩玉尊卑有序綬者所以貫佩相承受也
又上下施鼓如敵勝責賤亦各有殊五霸之後戰兵

不息佩非兵器故非戰儀於是解去佩鞞留其繫從
而已鞞佩既廢秦乃以采組連結於從轉相結受又
謂之綬漢承用之至明帝始復制佩而漢末又亡絕
魏侍中王粲識其形乃復造焉今之佩繫所制也
皇后謁廟服袿褙大衣蓋嫁服也謂之禕衣早上阜
下親蠶則青上縹下比深衣制隱領袖緣以條首飾
則假髻步搖俗謂之珠松是也簪珥步搖以黃金為
山題貫白珠為支相縷八爵九華龍獸赤熊天鹿辟
邪南山豐大特六獸諸爵獸皆以翡翠為華綬佩同

象輿

貴妃貴嬪貴姬是為三夫人金章龜紐紫綬八十佩
手真玉獸頭鞞

淑媛淑儀淑容昭華昭儀昭容脩華脩儀脩容是為
九嬪金章龜紐青綬八十獸頭鞞佩采璫玉婕妤容
華充華承徽列榮五職亞九嬪銀印珪紐艾綬獸頭
鞞

美人才人良人三職散位銅印環紐墨綬獸頭鞞
皇太子妃金龜紐纁朱綬二百六佩瑜玉獸頭鞞

良娣銀印珪鈕佩采璜玉青綬八十首獸瓜擊

保林銀印珪鈕佩水蒼玉青綬八十首獸瓜擊

諸王太妃諸長公主公主封君金印龜鈕紫綬八十首

首佩山妻玉獸頭擊

開國公侯太夫人銀印珪鈕青綬八十首佩水蒼玉獸

頭擊

公主三夫人大手髻七鎖蔽髻九嬪及公夫人五鎖

世婦三鎖其長公主得有燕搖公主封君已上皆帶

綬以線組為緹帶各以其綬色金辟邪首為帶玦公

持進列侯御校中二千石夫人

紺繒帽黃金首龍銜白珠魚須插長一尺為簪珥入

廟佐祭者卓綃上下助蠶者縹綃上下皆深衣制緣

自二千石夫人已上至皇石皆以蠶衣為朝服

自晉左遷中原禮儀多缺後魏天興六年詔有司始

制冠冕各依品秩以示等差然未能皆得舊制至太

和中方考故實正定前諺更造衣冠尚不能周洽及

至熙平二年太傅清河王懌黃門侍郎韋延祥等奏

定五時朝服准漢故事五郊衣幘各如方色焉及後

齊因之河清中改易舊物著令定制云

乘輿平冕黑介幘垂白珠十二旒飾以五采玉以組
為纓色如其綬鞋續玉弁白玉璽黃赤綬五采黃赤
纁綠紺純黃質長二丈九尺五百首廣一尺二寸小
綬長三尺二寸與綬同采而首半之袞服皐衣絳裳
裳前三幅後四幅織成為之十二章緣絳中單織成
緹帶朱綬佩白玉帶鹿盧劍絳袴赤舄未加元服
則空頂介幘又有通天金博山冠則絳紗袍皐緣中
單其五時服則五色介幘進賢五梁冠五色紗袍又

有遠遊五梁冠並不通于下四時祭廟圖丘方澤明
堂五郊封禪大雩出宮行事正旦受朝及臨軒拜王
公皆服袞冕之服還宮及燕則服通天冠籍田則冠
冕璪十二旒佩蒼玉黃綬青帶青屨青舄拜陵則黑
介幘白紗單衣釋奠則服通天金博山冠玄紗袍春
分朝日則青紗朝服青舄秋分夕月則白紗朝服湘
舄俱冠五梁進賢冠合朔服通天金博山冠絳紗袍
季秋講武出征告廟冠武弁黃金附蟬左貂襜褕宜
社武弁朱衣冕嚴弁殿服通天金博山冠絳紗袍入

溫涼室冠武弁左貂附蟬絳紗服征還飲至服通天
冠廟中遣上將則袞冕還宮則通天金博山冠賞祖
罰杜則武弁左貂附蟬元日冬至大小會皆通天金
博山冠四時畋出宮服通天冠並赤烏明堂則五時
俱通天冠各以其色服東西堂舉衣服白紗

天子六璽文曰皇帝行璽封常行詔勅則用之皇帝
之璽賜諸王書則用之皇帝信璽下銅獸形發諸州
征鎮兵下竹使符拜代徵召諸州刺史則用之並白
玉為之方一寸二分螭獸鈕天子行璽封拜外國則

用之天子之璽賜諸外國書則用之天子信璽發兵
外國若徵召外國及有事鬼神則用之並黃金為之
方一寸二分螭獸鈕又有傳國璽白玉為之方四寸
螭獸鈕上交五螭螭隱起烏篆書文曰受天之命皇
帝壽昌凡八字在六璽外唯封禪以封石丞丞又有督
攝萬機印一鈕以木為之長一尺二寸廣二寸五分
背上為鼻鈕二長九寸厚一寸廣七分腹下隱起篆
書為督攝萬機凡四字此印常在內唯以印籍縫用
則左戶郎中度支尚書奏取印訖輸內

皇太子平冕黑介幘垂白珠九旒飾以三采玉以組
為纓色如其綬金三國朱綬四采赤黃縹紺純朱管長
二丈一尺三百二十首廣九寸小綬長三尺二寸與
綬同色而首半之衣服同乘輿而九章絳綬佩瑜玉
玉具劔火珠標首絳袴袂赤舄非謁廟則不服未加
元服則空頂黑介幘雙童髻雙玉道中舍人執遠遊
冠以從其遠遊三梁冠黑介幘翠綵纓絳紗袞卓綵
中單黑舄大朝所服亦服進賢三梁冠黑介幘早朝
服絳緣中單玄舄為宮臣舉哀白恰單衣烏皮履未

加元服則素服

皇太子璽黃金為之方一寸龜鈕文曰皇太子璽宮
中大事用璽小事用門下典書坊印

諸公卿平冕黑介幘青珠為旒上公九三公八諸卿
六以組為纓色如其綬衣皆玄上纁下三公山龍八
章降皇太子一等九卿藻火六章唯郊祀天地宗廟
服之

遠遊三梁諸王所服其未冠則空頂黑介幘開國公
侯伯子男及五等散爵未冠者通如之

進賢冠文官二品已上並三梁四品已上並兩梁五
品已下流外九品已上皆一梁致事者通著委貌冠
主兵官及侍臣通著武弁侍臣加貂璫御史大理著
法冠諸謁者太子中導客舍人著高山冠宮門僕射
殿門吏亭長太子率更寺宮門督太子內坊察非吏
諸門吏等皆著却非冠羽林武賁著鶡錄令已下尚
書以上著納言幘又有赤幘卑賤者所服救日蝕文
武官皆免冠著赤介幘對朝服賤者平巾赤幘示威
武以助於陽也止雨亦服之請雨則服緇幘東耕則

服青幘庖人則服綠幘

印綬二品已上並金章此綬三品銀章青綬三品已

五省官及中侍中四品得印者銀印青綬五品六品

得印者銅印墨綬四品已下凡開國子男及五等

七品八品九品得印者銅印黃綬金銀章印及銅印

並方一寸皆龜鈕東西南北西藩諸國王章上藩用

中金中藩用銀並方寸龜鈕佐官唯公府長史尚書

二丞給印綬六品已下九品已上唯當曹為官長者

給印餘自非長官雖位尊並不給

諸王纁朱綬四采赤黃縹紺純朱質纁文織長二丈一尺二百四十首廣九寸開國郡縣公散郡縣公玄朱綬四采玄赤縹紺朱質玄文織長一丈八尺百八十首廣八寸開國縣子男散縣子男名號侯開國卿男素朱綬三采青赤白朱質白文織長一丈四尺百二十首廣六寸一品二品紫綬三采紫黃赤純紫質長一丈八尺百八十首廣八寸三品四品青綬三采青白紅純青質長一丈六尺百四十首廣七寸五品六品墨綬二采青紺純紺質長一丈四尺百首廣六寸

七品八品九品黃綬二采黃白純黃質長一丈二尺六十首廣五寸官品從第二已上小綬間得施玉環凡綬先合單紡為一絲七四為一扶之五為一首首五成一文采純為質首多者絲細首少者絲麤官有綬者則有紵皆長八尺廣三分寸各隨綬色若服朝服則佩綬服公服則佩紵官無綬者不合佩紵鞶囊二品已上金縷三品金銀縷四品銀縷五品六品綵縷七八九品綵縷獸爪鞶官無印綬者並不合佩鞶囊及爪

一、品玉具劔佩山玄玉二、品金裝劔佩水蒼玉三、品及開國子男五等散品名號侯雖四五品並銀裝劔佩水蒼玉侍中已下通直郎已上陪位則像劔帶真劔者入宗廟及升殿若在仗內皆解劔一品及散郡公開國公侯伯皆雙佩二品三品及開國子男五等散品名號侯皆隻佩綴亦如之

百官朝服公服皆執手板尚書錄令僕射吏部尚書手板頭復有白筆以紫皮裹之名曰笏朝服綴紫荷錄令左僕射左荷右僕射吏部尚書右荷七品已上

文官朝服皆簪白筆正王公侯伯子男卿尹及武職並不簪朝服冠幘各一絳紗單衣白紗中單卓領袖卓襖革帶曲領方心蔽膝白筆烏袜兩綬劔佩簪導鈎解為具服七品已上服也公服冠幘紗單衣深衣革帶假帶履材鈎解謂之從省服八品已下流外四品已上服也

流外五品已下九品已上皆著構衣為公服

皇太后坐綬佩同乘輿假髻步搖十二鎮八雀九華助祭朝會以禕衣祠郊禩以褕狄小宴以闕狄親蠶以

鞠衣禮見皇帝以展衣宴居以褙衣六服俱有蔽膝
織成緹帶皇太后皇后璽並以白玉為之方一寸二
分螭獸鈕文各如其號璽不行用有令則太后以宮
名衛尉印皇后則以長秋印

內外命婦從五品已上蔽髻唯以鎮數花釵多少為
品秩二品已上金玉飾三品已下金飾內命婦
左右昭儀三夫人祝一品假髻九鎮金立早紫綬服
褸翟雙佩山玄玉九嬪視三品三鎮蔽髻白銀章青
綬服鞠衣佩水若玉世婦視四品三鎮銀印青綬

服展衣無佩八十一齒女視五品一鎮銅印墨綬服
褙衣又有宮人女官服制第一品七鎮蔽髻服
關翠三品五鎮鞠衣四品三鎮展衣五品一鎮褙
衣六品褙衣七品青紗公服俱八首髻八品九品
俱青紗公服偏髻髻

皇太子妃一璽綬佩同皇太子假髻出搖九鎮服
褸翟從替蝨則青紗公服

皇太子妃璽以黃金方一寸龜鈕文曰皇太子
妃之璽若有封書則用內坊印

郡長公主公主玉國太妃妃纁朱綬髻章服
佩同內命婦一品郡長君七鎮蔽髻玄朱綬
闕翟章佩與公主同郡君縣主佩水蒼玉餘
與郡長君同太子及嫡視九嬪服縣主青朱
綬餘與良娣同女侍中五鎮假金印紫綬服
鞠衣佩水蒼玉縣君銀章青朱綬餘與女侍
中同太子孺人同世婦太子家人子同御女鄉主
鄉君素朱綬佩水蒼玉餘與御女同外命婦章
印綬佩皆如其夫若夫假章印綬佩妻則不假一品二品

七鎮蔽髻服闕翟二品五鎮服鞠衣四品三鎮服展衣
五品一鎮服祿衣內外命婦宮人女官從嬖嫔則各依品
次還著蔽髻首服青紗公服如外命婦綬帶般鞞纁皆
准其夫公服之例百官之母詔以大夫夫人者朝服公服各
與其命婦服同後周設司服之官掌皇帝十二服祀
昊天上帝則蒼衣蒼冕祀東方上帝及朝日則青衣
青冕祀南方上帝則朱衣朱冕祭皇地祇祀中央上
帝則黃衣黃冕祀西方上帝及夕月則素衣素冕祀
北方上帝祭神州社稷則玄衣玄冕享先皇加元服

納后朝諸侯則象衣象冕十有二章日月星辰山龍
華蟲六章在衣火宗彘藻粉米黼黻六章在裳凡十
二等享諸先帝太身於龜食三老五更享諸侯耕藉
則服衣冕自龍已下凡九章十二等享宗彘已下五章
在衣藻火已下四章在裳衣重宗彘祀星辰祭四望
視朔大射饗羣臣巡犧牲養國老則服山冕八章十
二等衣裳各四章衣重火與宗彘群祀視朝臨太學
入道法門宴諸侯與羣臣及燕射養庶老適諸侯家
則服山冕七章士等衣三章裳四章衣重三章衣山

冕三章皆裳重黼黻有十二等通以八章為領標

冕通十有二旒廵兵則服弁謂以韋為弁

又以為裳衣也田獵行鄉畿則服皮弁謂以鹿子皮

為弁白布衣而素裳也皇帝凶服斬衰父母之喪其

弔服錫衰以哭三公總衰以哭諸侯皆十五升抽其

不浣其纓衣在內總者浣其半錫者浣其布

弁如爵弁環紼一服凡大疫大荒大災則素服編冠

凡疫病荒飢
年災水旱也

諸公之服九一曰方冕二曰充冕九章宗彘已上五

章在衣藻已下四章在裳三曰山冕八章衣裳各四
章衣重宗彝為九等四曰黼黻冕七章衣三章裳四章
衣重火與宗彝五曰火冕六章衣裳各三章衣重宗
彝及藻裳重黻六曰毳冕五章衣三章裳二章衣重
藻粉米裳重黼黻山冕已下俱九等皆以山為領標
冕俱九旒七曰韋弁八曰皮弁九曰玄冠

諸侯服自方冕而下八無衮冕山冕八章衣裳各四
章黻為冕七章衣三章裳四章衣重宗彝火冕六章衣
裳各三章衣重藻裳重黻毳冕五章衣三章裳二章
衣重粉米裳重黼黻鷩冕已下俱八等皆以華蟲為
領標冕俱八旒

諸伯服自方冕而下七又無山冕鷩冕七章衣三章
裳四章火冕六章衣裳各三章裳重黻毳冕五章衣
三章裳二章裳重黼黻火冕已下俱七等皆以火為
領標冕俱七旒
諸子服自方冕而下六又無鷩冕火冕六章衣裳各
三章毳冕五章衣三章裳二章裳重黻毳冕以下俱
六等皆以宗彝為領標冕俱六旒

諸男服方方冕而下五又無火冕毳冕五章衣三章
裳二章以藻為領標冕五旒

三公之服九一曰祀冕二曰火冕六章衣裳各三章
衣重宗彝與藻裳重黻三曰毳冕五章衣三章裳二
章衣重藻與粉米裳重黼黻四曰藻冕四章衣裳俱
二章衣重藻與粉米裳重黼黻五曰繡冕三章衣一
章裳二章衣重粉米裳重黼黻俱九等皆以宗彝為
領標六曰爵弁七曰皮弁八曰冢冠
三孤之服自祀冕而下八無火冕毳冕五章衣三章

裳二章衣重粉米裳重黼黻藻冕四章衣裳各二章
衣重藻與粉米裳重黼黻俱八等皆以藻為領標繡
冕三章衣一章裳二章衣重粉米裳重黼黻為八等
公卿之服自祀冕而下七又無毳冕藻冕四章衣裳
各二章衣重粉米裳重黼黻為七等皆以粉米為領
標各七繡冕三章衣一章裳二章衣重粉米裳重黼
黻為七等

上大夫之服自祀冕而下六又無藻冕繡冕三章衣
一章裳二章衣重粉米裳重黼黻為六等

中大夫之服自祀冕而下五又無皮弁繡冕三章衣
一章裳三章衣重粉米為五等

下大夫之服自祀冕而下四又無爵弁繡冕三章衣
一章裳三章衣重粉米為四等

士之服三曰祀弁二曰爵弁三曰玄冠玄冠此曰玄

士以玄中士以黃下士庶士之服一玄冠庶士庶人

雖裳謂前玄以黃也後令文武俱著常服冠形如魏在官所史恰無繡者

纓其凶服皆與庶人同其巾服諸侯於其卿大夫錫

衰同姓總衰於士疑衰其當事則弁經否則皮弁公

禮記卷之六

卿大夫之吊服錫衰弁經皮弁亦如士之吊服疑
衰素裳素裳當事弁經否則徒弁

皇后衣十二等其翟衣六從皇帝祀郊禘享先皇朝

皇太后則服翬衣素質五色祭陰社朝命婦則服翟衣青質

五祭羣小祀受獻壘則服鷩衣赤采桑則服鳩衣黃色

從皇帝見賓客聽女教則服鵠衣白色食命婦歸寧則

服翺衣元色俱有十二等以翬雉為領標各有二臨婦

學及法道門命婦有時見命婦則蒼衣春齋及祭還

則青衣夏齋及祭還則朱衣采桑齋及采桑還則黃

衣秋齋及還祭則素衣冬齋及祭還則元衣自青衣而下其領標以相生之色

諸公夫人九服其翟衣雉皆九等俱以翟雉為領標各自九翟衣以下五曰翟衣鷩衣鷩衣鷩衣并朱衣黃衣素衣元衣而九自朱衣而下其領標亦同用相生之色

諸侯夫人自鷩而下八其翟衣雉皆八等俱以鷩雉為領標無翟衣

諸伯夫人自鷩而下七其翟衣雉皆七等俱以鷩雉

為領標又無鷩衣

諸子夫人自鷩而下六其翟衣俱以鷩雉為領標又無鷩衣

諸男夫人自翬而下五其翟衣雉皆五等俱以翬雉為領標又無鷩衣

三妃三公夫人之服九一曰鷩衣二曰鷩衣三曰翬衣四曰青衣五曰朱衣六曰黃衣七曰素衣八曰玄衣九曰黼衣髮似華皆九樹其雉衣亦皆九等以鷩雉為領標各九

式三孤之內子自鶉衣而下八雉衣皆八等以鶉
雉為領標各八

六嬪六卿之內子自翔衣而下七雉衣皆七等以翔
雉為領標各七

上媛上大夫之孺人自青衣而下六

中媛中大夫之孺人自朱衣而下五

下媛下大夫之孺人自黃衣而下四

御婉士之婦人自素衣而下三

中宮六尚一曰緞衣其色赤而微玄諸命秩之服曰公服其

餘常服曰私衣皇后華皆十有二樹諸侯之夫人亦
皆以命數為之節三妃三公夫人已下又各依其命一
命再命者又俱以三為節

皇后及諸侯夫人之服皆為履三妃三公夫人已下

翟衣則為其餘皆履為履各如其裳之色

皇后之凶服斬衰齊衰隆旁其已下弔服為妃嬪三

公之夫人孤卿內子之喪錫衰錫者十五升去其半

內也為諸侯夫人之喪緦衰緦亦十五升去其半

外也為媵御婉及大夫孺人士之婦人之喪疑衰疑亦十五升去其半

也為媵御婉及大夫孺人士之婦人之喪疑衰疑亦十五升去其半

於吉皆吉筭無首

象筭去首飾

太陰虧則素服

湯天下之陰事

諸

侯之夫人及三妃與三公之夫人已下凶事則五衰

自總已上皆服之

其弟諸侯夫人於卿之內子大夫孺人錫

衰於已之同姓之臣總衰於士之婦人疑衰皆吉筭

無首其二妃已下及媛三公夫人已下及孺人其弟服

錫衰御統及士之婦人弟服疑衰疑衰同筭

九族已下皆骨筭

鞞皇帝三章龍火山諸侯二章去龍卿大夫一章以

山皆織綵以成之

皇帝八璽有神璽有傳國璽皆寶而不用

神璽明受之於天傳

儀志

國璽明受之於運

皇帝有袞則置神璽於殿前之右致傳國

璽於殿前之左又有六璽其一皇帝行璽封命諸侯

及三公用之其二皇帝之璽與諸侯及三公書用之

其三皇帝信璽發諸夏之兵用之其四天子行璽封

命蕃國之君用之其五天子之璽與蕃國之君書用

之其六天子信璽徵蕃國之兵用之六璽皆白玉為

之方一寸五分高寸螭獸鈕

皇后璽文白皇后之璽白玉為之方寸五分高寸麟

鈕三公諸侯皆金印方寸二分高八分龜鈕七命已

上銀四命已上銅皆龜鈕三命已下銅印銅鼻其方皆寸其高六分文曰某公官之印

皇帝之組綬以蒼以青以朱以黃以白以玄以纁以紅以紫以緞。蒼以綠十有二色諸公九色自黃已下諸侯八色自白已下諸伯七色自玄已下諸子六色自纁已下諸男五色自紅已下三公之綬如諸公三孤之綬如諸侯六卿之綬如諸伯上大夫之綬如諸子中大夫之綬如諸男下大夫綬自紫已下士之綬自緞已下其璽印之綬亦如之

禮儀志

保定四年百官始執笏常服上高字文護始命袍加下欄宣帝即位受朝於路門初服通天冠絳紗袍群臣皆服漢魏衣冠大象元年制冕二十四旒衣服以二十四章為準二年下詔天臺近侍及宿衛之官皆著五色衣以錦綺績繡為緣名曰品色衣有大禮則服冕內外命婦皆執笏其拜佺伏方興

隋書十一卷終

志第六

禮儀六

24531.1

乙六月十二日校

